

盈而潮汐渟乾而放盈可瀉瀘以當雨抑陂障以衛耕
溉田疇之繡錯利帆楫之舟乘舳艫餘舳之接榜稼禾
華實之滋榮是誠南州之普澤而吳會之弘津也當夫
四序之代移所在靈源之各適漲濱澳於桃花湯焱景
於神宅蒲苻延青芷蘋搖白漁火羅星連歌起拍旋且
白帝降而寒澄元女翔而凝澤揚水窟之商飈濯蘆洲
之蟾魄西爽清肅而水下朔風洄洑而冰積托神理於
連漪咸順令而應節歎觀瀾之變遷逝如斯而不息爾
乃鷗駭鷓鴣雞鵠之羽殊千名以應化鯪鯢鱗鱣鱸鮠
之鱗辨萬族以隨時觜螭龜蚌貝螺之異種虬蛇蛟螭
狸豕之離奇洵稱寶藏不測之府皆紛蕃詭誕而莫能
知苦夫陽侯列陣江妃奮武風烈雷殷砂簌雲聚濤翻
駕電之輪浪拊靈鼉之鼓激湍激湍激湍激湍激湍
以肆怒隄岸於焉若撼客子於焉慄股斯又塹險之巨
浸爲蒞土者責永祜惟是

皇清

定鼎上聖下賢習坎向離括坤包乾旣河清而海宴方
祥集而瑞全文敎丕播於海童豐功昭格於水仙
則江靈之効命以朝宗固將配有夏而億萬斯年

青龍江在福泉縣東北吳志云孫權造青龍戰艦於此
故名昔通滬瀆入海浩瀚無涯韓世忠曾駐軍於此其